

# TLDM hasilkan sajak khas untuk Dr. M

UM - 4 OCT 2003

LANGKAWI 3 Okt. — Sempena Pameran Antarabangsa dan Maritim Antarabangsa Langkawi 2003 (LIMA 2003), Tentera Laut Diraja Malaysia telah menghasilkan sebuah sajak khas untuk Perdana Menteri, Datuk Seri Dr. Mahathir Mohamad yang akan bersara pada 31 Oktober ini.

Sajak bertajuk *Sekalung Budi* itu adalah hasil nukilan Bentara Kanan, Che Su Deraman.

Ia telah dideklamasikan di depan Dr. Mahathir oleh Laskar Kanan II, Naidi Raup pada majlis ringkas ketika Dr. Mahathir berada di Awana Porto Malai untuk meninjau pameran maritim di situ, kelmarin.

## **Sekalung Budi**

Telah lama ku ilhamkan puisi ini  
Namun terlalu payah untuk dicatatkan  
Apatah lagi untuk diungkapkan  
Seorang insan bergelar pemimpin  
Merancang dan memerah akal mindanya  
Demi negara tercinta  
Duduk sama rendah  
Berdiri sama tinggi  
Dengan segala bangsa di dunia  
Jutaan terima kasih tak terhingga  
Jasa dicurah, keringat tertumpah  
Sekalung budi buat kenangan  
Daripada Tentera Laut Diraja Malaysia  
Buat pemimpin negara yang disanjung  
Yang Amat Berhormat Dato' Seri Dr.  
Mahathir Mohamad.